



**VANJSKOTRGOVINSKA KOMORA BOSNE I HERCEGOVINE**  
**СПОЉНОТРГОВИНСКА КОМОРА БОСНЕ И ХЕРЦЕГОВИНЕ**  
AGENCIJA ZA PROMOCIJU IZVOZA BOSNE I HERCEGOVINE



PK broj: 900/2010  
Sarajevo, 12. juli 2010.

**PRIVREDNA KOMORA Federacije BiH**  
**PRIVREDNA KOMORA Republike Srpske**  
**PRIVREDNA KOMORA BRČKO DISTRIKT**  
**N/R Predsjednika**

**Predmet:** Posjeta predsjednika Vlade Republike Srbije, Nj. E. Mirko Cvetković Bosni i Hercegovini, 21. jula 2010. godine

Poštovani predsjedniče,

Ovom prilikom Vas obavještavamo da će 21. jula 2010. godine Bosnu i Hercegovinu posjetiti predsjednik Vlade Republike Srbije, Nj.E. Mirko Cvetković. U pratnji predsjednika Vlade Republike Srbije Bosnu i Hercegovinu će posjetiti i delegacija privrednika iz skoro svih sektora privrede (metaloprerađivačka, drvoprerađivačka, prehrambena, hemijska, energetska, tekstilna i dr.).

U okviru pomenute radne posjete Vanjskotrgovinska komora Bosne i Hercegovine/Agencija za promociju izvoza Bosne i Hercegovine organizuje Poslovni forum i bilateralne sastanke između srbijanskih i bosanskohercegovačkih privrednika koji će se održati u **srijedu, 21. 07. 2010. godine s početkom u 12.00 sati u Zgradi institucija Bosne i Hercegovine, Trg Bosne i Hercegovine br. 1, 71 000 Sarajevo (Velika sala).**

Programom je predviđeno obraćanje Predsjedavajućeg Vijeća ministara Bosne i Hercegovine, gđina. Nikole Špirića, te predsjednika Vlade Republike Srbije, gđin-a. Mirka Cvetkovića. Takođe je predviđeno i obraćanje predsjednika Spoljnotrgovinske komore BiH, gđina. Veselina Poljaševića i predsjednika Privredne Komore Srbije gđin-a. Miloša Bugarina. Napominjemo da je satnica priloženog programa okvirna i da može doći do izmjena.

Prisutnim privrednicima će se pružiti i više informacija o poslovnom okruženju u Bosni i Hercegovini i Republici Srbiji i mogućnostima potencijalne saradnje između privrednika dviju zemalja. Nakon plenarne sesije biće organizovani bilateralni sastanci tokom kojih će privrednici imati priliku da razgovaraju sa potencijalnim srbijanskim partnerima o eventualnoj saradnji.

Cijeneći značaj i ulogu Vaše institucije pozivamo Vas da uzmete učešće na Poslovnom forumu, te Vas molimo da animirate određene kompanije za koje smatrate da bi mogle imati interesa za učešće na ovom Poslovnom forumu.

Imajući u vidu da smo danas obaviješteni o navedenoj posjeti, profile kompanija koje dolaze ćemo Vam proslijediti čim zaprimimo iste.

Prijavu učešća je potrebno dostaviti na broj faksa **(033) 566 239** ili na e-mail: [zivorad@komorabih.ba](mailto:zivorad@komorabih.ba) najkasnije **do srijede, 19.07.2010. godine**. Za sve dodatne informacije možete se obratiti na broj telefona (033) 566 237, kontakt osoba Živorad Kovačević.

Uz zahvalnost na saradnji,

S poštovanjem  
Predsjednik STK BiH

Veselin Poljašević